

1 Tesalonaika

Pâlanj Tesalonaika am ekņengat zapat meluwanj ņeņañ kapi kumti beme mege

Pâlanj zapat meluwanj kapi kukņangāt kuye. Egaņ Kolin mka temaņ tati Tesalonaika dapmelanġe ekņengat zapat meluwanj kapi kumindaye. Kolinmak Tesalonaika mka temaņ zut ke msat temaņ kwegat keņan talip. Loma gapmangalen plowins ikņak ikņak. Kolinan Akaia plowinsyet keņan tazin ma Tesalonaikayan Masodonia plowinis keņan tazin. Kegogapmti Pâlanj Kolin mka temaņ tati zapat meluwanj kapi kumti Tesalonaika dapmelanġe ekņenmagen beme mege. Tesalonaika mka temaņ ke nembu gazenan matazin. Zuda am isikņañ bukņen mme penaņ msat mtoņ Glis am. Tesalonaika mkaen Zuda am ekņengalen sesewat mka tage keyepmti Pâlanj Zisasiyan gakimti wageyelen zet zapatnaņ ke met diindome kumâpme Tesalonaika mka pemti Belia mkaen towepme mâtoti mâpme Aten mepmamtan (Nembayelen Muluwin 17:1-14).

Pâlanj zapat meluwanj kapi yaņañ kulekiyet kuye? Egaņ Tesalonaika dapmelanġe ekņenmak belaknik bukņen tati koge yaņgut Pâlanj ekņengat kemberj mtiyepm zapat meluwanj kapi kumindain. Ekņenaņ amnaņ ek ku mâbien sepem keboņ ke amnaņ ekņen indomâpme keyet nâmnukņañ ku mbep nâmtiyepm kumindaye.

Ekñenan nâmkĩpepeyen alakñati kobien keyepmti zemgwanan zet notnan mimindaye. Zisasiyan sakwep kokogalen zet ke bukñen tembenik zapat meluwan kapiyet kumindanti zemâtâtât omba penan mge.

Zet ñotekñan teman kapigogan 1 Tesalonaika zapat meluwan keñanen talip:

1:1 Pâlan dapmelange indamukuye

1:2-3:5 Pâl Zisasiyan mulup sasanan ke mimiyele zemâtâtât zet notnan kuye

3:6-13 Pâlan ekñengalen nâmkĩpepeñin ma notn notn mamayet tikñanin omba tatindaye keyet zemesewatindaye

4:1-12 Pâlan mama mimi dolakñan mimiyet zemgwanan mge

4:13-5:11 Pâlan msatmak kululun asekmalu menok sambe sokbewe keyet zetnan zeye

5:12-28 Pâlan an kwep kwep mukumindemâge

Zet yanbemzenzeyelen zet

¹ Neñmak Silwanusmak, Timoti, nsakwep kapi tati zapat meluwan kapi Kawawan Bipm ma Amobotnan Zisas Kilaisiyelen am mange Tesalonaika mka teman talip ingat kumti bemann kozin. Ma egelan in keñ taolet ma keñ sewakñan mimindandayet nâmti mandundunup.

Tesalonaika am ekñengalen nâmkĩpepeñinan am notnan meleñ belan bemindeye

²⁻³ Mti nin Bipm Kawawanmagen nâmkĩpempti kwitnan kwitnan dolakñan sambe mamimelip keyet maotnâmindenup. In Kawawanhalen am mange ekñenmagen mulup windenjanben mti

Amobotnaŋ Zisas Kilais kokogat penaŋ webemti matalip keyepmti nin mandundunup katanŋ ingat nâmti Kawawaŋgat wisikŋ manzenup.

⁴ Kilaismagen dapmeniŋne in kapigok nâit, Kawawaŋgaŋ ingat keŋaŋ temaŋ beme ikŋaŋgat zapat penaŋ indaombemindeye.

⁵ Nin inmagen Kawawaŋgalen Zet Zapat Dolakŋaŋ Penaŋ mti kobenn ke wan am ŋengalen zet belakŋaŋ yek. Zet ke Emetak Teŋmak ma windenŋaŋmak e penaŋ ekmâtâpmann delaŋ zeme ingat tuŋguwinan kopmamti indamukulem mti mambenn keyet yaŋaŋ ilin nâmndeip.

⁶ In buŋam zapat timkitikpemti nin ma Amobotnaŋ ikŋaŋ ndapmâti mambien kan keyet nukŋaŋ sambe penaŋ amnaŋ ingat palen bewien. Yaŋgut keyet keŋan Emetak Teŋaŋ keŋin mme oloŋen etaŋ bemâbien.

⁷ Âpme in mama mimiŋin dolakŋaŋ ke mme am Masedonia msalen ma Akaia msalen am nâmkiŋpepemak mamaip ekŋenaŋ in indikti ingalen set dolakŋaŋ keyegak mâti mbien.

⁸ Wa in nâme Masedoniamak Akaia msalen ke meti Kilaisiyelen mulup mbien ewan msat zut ke etaŋ ku tage nâmkiŋpepeŋinaŋgat zapatnaŋaŋ msat sambe bee mekopme am sambeyaŋ nâme delaŋ zemâge.

⁹ Nin inmagen kobenn kan keyet in mukulem dolakŋaŋ mimndawien ma nin zet zemann nânâŋak keyegak nopiom notnaŋ sambe masese-watsamtemien e peme tapme Kawawaŋmagen koti Kawawaŋ alik main ma ek penaŋ sukwep tazin ek masezewatsaip.

¹⁰ Kegok mti Kawawaŋgat Nemunaŋ Zisas ku-

luluŋengatnaŋ gilik zemti kobe keyet damuŋ matalip. Ek Bipmaŋaŋ gakikiengatnan buteme wati moge. Nin ekmak watekumti manup keyet mti ninmagen Kawawaŋgalen weŋbowaŋ ku sokbewe.

2

Pâliyaŋ Tesalonaika amgat tuŋguwinan mamti mulup mge

¹ Kilaismagen notnne, nin inmagen ke kot lueŋset mamtemen ke wa belak penaŋ ku mam-benn. Nin mulup ingat tuŋguwinan mbenn eyet penaŋaŋ sokbeye. Keyet yaŋaŋ ilin ŋep nâmtalip.

² Pilipai am ekŋenaŋ kasa ŋenzinziŋ minndame keyet keŋaŋ nâmisim mamti mulup mbenn e ilin nâip. Yanaman inmagen kegogak mulup mman am notnaŋaŋ kasa ŋenzinziŋ minndame keyet keŋaŋ Kawawaŋaŋ winde ndame epumti ingat tuŋguwinan ke mamti Kawawaŋgalen Zet Zapat Dolakŋaŋ Penaŋ diindowenn.

³ Nin inmagen mulup kop mbenn ewan nin zet dâsuki diindomti imbiyet zikat ma tetimaemae mulup ku mbenn.

⁴ Kawawaŋaŋ ikŋaŋ yaŋŋ minndigeyaŋ nin Kawawaŋgalen Zet Zapatnaŋ Dolakŋaŋ Penaŋ kapi ŋep zenzeyelen beme mulupmaŋ kapi ndaye. Keyepmti nin wa amnaŋ sekŋ mot ndendeyet nâmti ku maminup. Kawawaŋ ikŋaŋ etaŋ ningalen mulupgat oloŋen mimiyet nâmti maminup.

⁵ In nâip, nin inmagen kobenn ke wan in mânep ndandayet nâmti zet kelakŋaŋ mimindasât ku

kobenn. E Kawawañañ ke nâme egat zikatnan penañ zenup.

⁶⁻⁷ Nin inimagen ma am notnañ ekñenmagen kwizet buñamak bembeyet ku manântemenn. Nin penañ Kilaisiyelen zemindendenañ an manup keyepmti in kwizet buñam temañ ndandayet nâmbenek benagen nin bewelep kwisak mimindamann in kwizet buñam temañ ndawiek. Keyañgut nin inmak mambennen sewak sewak mamtemenn. Imbi ñenañ nembrañaneyet gogot mti indadamuñ dolakñañ mamin sepem kekok mimindati mambenn.

⁸ Nin ingat tikñañ penañ manâmindenupgapmti Kawawañgaleñ Zet Zapat Dolakñañ Penañ inimagen zenzeyet tikñañ kwapem penañ tatndain. Yañgut ke etañ yek. Nin ingat nâmtikñañ mami-mindenupgapmti ingapm sek sindem temañ mat-inup.

⁹ Kilaismagen notnne, in nin nnañgat sekn bandim mimiyelen mulup nukñañ sambe tambuyet ma kasupgat mamtemenn keyet otnâit. Nin Kawawañgaleñ Zet Zapat Dolakñañ Penañ inimagen manzemtemenn kan keyet in sek bandim kwileki ñen ndandayet ku indawekuwan.

¹⁰ Kekok mti nin Kilais nâmkijpepeñañ am ingat tuñguwinan kwetetepmañ ma mama teñ ma mimyunguñgupiñ mamamtemenn ke in ma Kawawañ ilinsakwep ningat mamannañgat yañañ ñep nâmatândeip.

¹¹⁻¹² Nin nembra biwinañ nembrañine indamukulem dolakñañ mamimindeip. Sepem kekok in an kwep kwep indamukulem mti keñin mim eleñ beleñ bemindemti gwatnañ

mimindewenn. In Kawawaŋgalen zemâtâtât katnanen mama ke ma mama kanzizit ego egoŋaŋmak ke motitiyet indazemtetime kobien. Keyet in mama mimi dolakŋaŋ Kawawaŋaŋ nâmtikŋaŋ maminen ke etaŋ mti mambep.

¹³ Nin inmagen zet koti zewenn ke wa am ŋeniyelen zet yek e Kawawaŋgalen zet ke zemann in nâmti timkitikpewien keyepmti nin Kawawaŋgat wisikŋ manzenup. Keyepmti pigok zema nâit: Kawawaŋaŋ am nâmkijpepemak ingat keŋinan mamti mulup mamin.

¹⁴ Kilaismagen notnne, nâip. Kawawaŋgalen dapmelaŋge Zudia msalen mamaip ekŋenaŋ Zisas Kilaismak metusumti mame ilinaŋgat noline ekŋenaŋ kasa ŋenzinziŋ miindamti indomwalet mbien. Sepem kegogak inmagen sokbemindaye.

¹⁵ Zuda am ekŋenaŋ wan nin Kawawaŋgalen mulup kapi mmann egaŋ nâmdeme dolakŋaŋ tabeinmak zemtati mamti Amobotnaŋ Zisas ma Kawawaŋmagen zet mti zenze an indomti eyetan suluŋ tapme am belakŋaŋ notnaŋ timtoindemti nin mee pi sisipeŋpeŋ minndamti ndapmâtimâti maminndeip.

¹⁶ Mti am Zuda maŋgeen ku sokbembenjaŋ ekŋenmagen Kawawaŋgalen Zet Zapat Dolakŋaŋ Penaŋ diindomann nâmti Kawawaŋmagen keŋ gilik zenze aiikgalen eyo mambekekndeip. Ekŋenaŋ kegok mti yom mti mimiek mamkwatnepeme Kawawaŋgalen ŋenzinziŋaŋ sokbemindaye.

Pâliyaŋ keŋaŋ temaŋaŋ ewe Tesalonaika am

met indidigat manâmtan

¹⁷ Kilaismagen notnne, inmak kan belatnik kapi segañ etañ kalañ mekoti manup. Âpme nânânnañ in ku katimindewenn. Keyepmti nin set zigoset aikti kot indiksenup zemti mulup temañ maminup.

¹⁸ Nin ñep penañ kot indikbenakgalenangut kan notnangot kosât mmann Sadañañ mambekeknedein. Âpme nenn penañ kan notnangot nenak etañ inmagen kokogalen penañ manembentan.

¹⁹ Nin msalen pi alik mamti inmagen mulup sek sindem ke yañañ kwilekiyet matinup? Amobotnañ Zisasiyañ kobe kan keyet inmak nin nsakwep egat zimosetnan lindiñ motati in ningat keññ mme oloñen bewe ma nin mulup mbenn keyet penañañ in motapme indikbanup keyet nâmti webepen mamanup.

²⁰ Ingapmti nin segeyak mti keññ oloñen manup.

3

¹ Keyepmti nin ingat keñ sindem ke tetak ku nânâyelen nâmtiyepm neñmak Silwanusmak kapigok nâmtalati nit ndak Aten mka teman tati

² nit Timoti Kilaismagen meniñnit ek nitmak Kawawangot mulup mamnup ek pemalu eweñañ inmagen koge. Egañ Kilaisiyelen Zet Zapat Dolakñañ Penañ mampalakñañ bein kogopmti egañ indamukulem mme Kilaismagen nâmkijpepenjin windenñañbenj ñep butem wat indendeyelen mulupmañ mge.

³ Kogogapm inmagengatnaŋaŋ kukŋaŋ palen tati gilik pemti naman mamaŋin itnaŋan ku mebep. In nâmtalip kukŋaŋ keboŋ kapi Kawawaŋaŋ nin titiyet nâmti bempeye.

⁴ Nin in eweŋan amnaŋ sisipeŋpeŋ mimin-dawep e mandiindomtemenn. Keyet kataŋ ma-sokbemindamkwazin e in nâip.

⁵ Âpme neŋ ingat keŋ sindem tetak ku nânâyelen nâmti keyepmti Timoti inmagen pema nâmkipepeŋinaŋgat yaŋaŋ eegalen koge. Mneti Sadaŋaŋ tetimindeme ningalen mulup belak penapeŋiŋ benakgapmti ek pema koge.

⁶ Keyaŋgut Timotilak ninmagen gilik pem koti ingalen nâmkipepeŋin ewe tapme nolinaŋgat keŋin mambein keyet zapaŋaŋ ilak minndame nâmbenn. Nin inmagen mulup pembenapeŋ mbenn ke nâmti in kot ndidikgalen manâip nin sepeŋ kegogak imkot indidikgalen manânuŋ.

⁷ Kilaismagen notnne, ninmagen nukŋaŋ ma sisipeŋpeŋ kogeŋ ingalen nâmkipepeŋin ewe kaliŋaŋ tazin keyet zapaŋaŋ nâmbenn keyaŋ keŋŋ m eleŋ beŋaŋ bemndeye.

⁸ In Amobotnaŋmak penaŋ wetekumti ewe mamambep beme nin keyaŋ keŋŋ m eleŋ beŋaŋ bemndeme nin nukŋaŋ sambe e ŋep timann dukŋnaneŋ mopme mulup nâmisimti mbanup.

⁹ Nin mulupmnaŋgat penaŋaŋ in sokbewien ke nâmti keŋŋ segeyegaŋ bemisikme oloŋen palen tati Kawawaŋgat wisikŋ manzenup.

¹⁰ Nin tambu msa pi Kawawaŋaŋ set ŋen aikndame in ewe kot indikti nâmkipepeŋinan nukŋaŋ ŋen taindain beme ke ekti indamukulem

mimiyet nâmti dundundu mulup katikñañ maminup.

¹¹ Kawawañ Bipm ikñañ ma Amobotnañ Zisasiyañ set ñen weyañme inmagen kokogalen nâmti mandundunup.

¹² Nin Amobotnañañ indamukulem mimin-deme tunjuwinan ma am notnañ ekñenmak gogot palenegak etañ mamayet nâmti mandundunup. Sepem kegogak nin ingat gogot mimindamti manup

¹³ Kegok mme Amobotnañañ gwatnañ mimin-deme tapmetnepeme Amobotnañañ Zisasiyañ gilik zem koti am egalen bembenañ indatimkobe kan keyet in Kawawañ Bipm gat ñenzimose tnan keñin kwetetepmañ ma yompiñ piyañ motabep-gat nâmti mandundunup.

4

Amnañ mama dolakñañ mamayet Kawawañañ nâme tikñañ mambein

¹ Pinan kwileki ñengat kumindasowap. Kilaismagen notnne, in nin mama mimi dolakñañ Kawawañañ nâmtikñañ mamnen keyet yañañ zikat indamann ekbien. Ke mâti mamip. Kegogapmti Amobotnañ Zisasiyet pmbenañgapm mama mimi dolakñañ kapi tusumti ewe penañ mimiyet nâmti meluwañ mimindanup.

² In zet zemzikat indam mbenn e Amobotnañ Zisas ikñañgalen zet penañ e in nâip.

³ Kapi Kawawaŋaŋ in mimiyeleŋ nâmtikŋaŋ mamm ma egaŋ in imbimak set kileŋ mamapiŋ kwetetepeŋaŋ penaŋ mamayet manâin.

⁴ Keyet mti an kwep kwewaŋ imbi wasâti Kawawaŋgaleŋ seleset dolakŋaŋ maip sepem kegogak imbi kwep wati egat nâme mobotnaŋ beme mukulem mpemambe.

⁵ Mamti in am Kawawaŋ ku manâmkiŋpeip ekŋenaŋ imbiyet eyak mti set kileŋ mamaipnok ku mambeŋ.

⁶ Nin eweŋaŋ Kawawaŋgaleŋ nânâ tazin ke mâti pigok diindowenn. An ŋenaŋ an ŋeniyet imbiŋaŋ menzem wabe beme Amobotnaŋaŋ an keyet yomaŋgat dopmaŋ mobotnaŋ penaŋ mutumsawe.

⁷ Kawawaŋaŋ nin imbimak sek kileŋ mamayet ku ombemndeye egaŋ ikŋaŋ mama mimi nâme dolakŋaŋ mambein ke mti teŋ mamayet ombemndeye.

⁸ Keyepmti an ŋenaŋ zet ke zentalabe beme egaŋ amgat ku zentalabe Kawawaŋaŋ Emetak Teŋaŋ manndain egat zentalabe.

⁹ Keyepmti in Kilaismagen noline ekŋengat keŋin bembe keyet nin zemâtâti meluwaŋ ku kumindandayelen. Noline tuŋguwinanen ma maipgat keŋin bembe nânâ ke Kawawaŋaŋ ikŋaŋ eweŋaŋ keŋinan baen bempaye.

¹⁰ Penaŋ sukweŋ, nolinaŋgat keŋin bembe nânâ ke in keŋinan tazin keyet mti in am Kilais nâmkiŋpepeŋaŋ Masedonia msat katan mamaip ekŋen indamukulem mimindewien keyepmti Kilaismagen notnne in mama mimi dolakŋaŋ kapi ewe weyaŋ tusum mimiyeleŋ nâmti diindonup.

¹¹ In mama mimi mtot sewakñañ palen mama keyet nâme mobotñañ bewe. Mti belinañ muluwin mme weme ilinañgalen keyetñañ tim nimti mamambep. Zet e eweñañ inmak ke mamti diindowenn.

¹² Sepem kekok mbep beme in am nâmkijpepenjiniñ ekñengat zikalinan mama mimiñin dolakñañ sokbewe. Mti ilinañgat sekñin ekdamuñ mti mamambep.

Amobotñañ gilik zemkopme kwitñañ kwitñañ kapigok sokbewe

¹³ Kilaismagen notnne, nin in am gakikiñañgat yañañ pigok diindomann nâit. Am nâmkijpepenjin Kawawañmagen etañ ku tazin ekñen webembenjiniñgapm nolin gakime keyet si kemben omba mamip, kekok in ku mbep.

¹⁴ Zisas gakimti ewe gilik zemti wage yañ maneti Kawawañañ naman zempeme gilik zemkosâpmnen am Kilais nâmkijpemti gakiwien ekñen koindati ilinsakwep mebep. Zet kapi penañ e nâmkijpem tatiyepm zenup.

¹⁵ Zet kapi Amobotñañañ iknñañ zeyeen keyegak nin sakwalamti diindonup. Amobotñañañ gilik pemkobe kan keyet am aligañ am itñañañ gakikiñañ ekñengat damuñ tapmann ekñenañ am sumengatnan ñeñañ wabep.

¹⁶ Amobotñañañ iknñañ kululuñengatañ kopmambe am ningat zet busup kuwe ma Kawawañgalen ensel ñeñañ bembeyañ kwizet kume Kawawañañ lumun temañ kumbuwe. Kilaisiyañ topme am ek nâmkijpemamti

gakikiŋaŋ ekŋenaŋ ŋeŋaŋ am sumengatnan wapmâbep.

17 Wapme wapme keyegak Kilais nâmkiŋpepeŋaŋ alik tabanup nin ma am gakikiŋaŋ ekŋen nsakwep lumaŋ moti muŋgulubugen gwaen Amobotnaŋ aikbanup. Mtiŋgut nin ekmak kwesiŋ mepmamambanup.

18 Kogogapm zet kapi zenâmti ilinak nâmkiŋpepeen dopmaŋ mukulem dopmaŋ mukulem mti mamambep.

5

Amobotnaŋaŋ kobe keyet damuŋ tabep

1 Kilaismagen notnne, kwitnaŋ kwitnaŋ kapi sokbewe keyet kan nin ku nânup. Keyepmti nin Zisas kan keyet penaŋ kobe ke zemâtâti ku kum indasenup.

2 Amobotnaŋaŋ kosât mbe kan keyet egaŋ am kambu titi ekŋenaŋ kambu tisât pempetuk makolip sepem kegogak egaŋ pempetuk timkwabe.

3 Amnaŋ pigok zewep, “Kan pi ninmagen mamasiyaŋ weme keyepmti totatat pembenanŋ tatnup.” Kegok zemi tapmnepeme kan keyegak kasa tuŋguwinan sokbeme ekŋenaŋ ŋep ku kunzuŋbep. Imbi kambakmagaŋ tatneti nempa sindemaŋ pempetuk masokbemindain sepem kegok sokbemindawe.

4 Kilaismagen notnne, in kwitnaŋ kwitnaŋ sokbewe keyet yaŋaŋ ku kandalip. Keyepmti in manepeme Amobotnaŋaŋ kobe kan keyet

in ku endilipewep. Am ekñenañ nânâpiñ tapmetnepeme an kambu titi ñenañ kopme ekti maendilipeip sepem kekok ku mbep.

⁵ Nin msayet sosok mamti mama mimi pembenañ maminup. Wa nin am tambuyet enzilim mamti mama mimi bekanañ mamip ekñen kebon yek

⁶ keyepmti in eksepeñ mambep. In am notnañ ekñenañ muluk maweip kekok ku mambep. In Kilais kokotnañgat damuñ eksepeñ kaik tabep. Am tu katikñañ nimti sebelin sukñañ beme mulukgat manzalim talip kekok ku mbep.

⁷ Am muluk weweyelen ekñenañ tambuyet muluk mawep ma am nânâñinpiñ ekñenañ tambuyet tu katikñañ nimti keñin kileñ beme tambu sutnan kaliyañ kwisagat matalip.

⁸ In msayetgalen am keyepm nin tu katikñañ nimti keñ kilom ku mbanup. Nin nâmkinpepe ma am notnañgat gogot mimi keyañ mowenok sembe mti mambanup. Kawawañañ yomengatan anğalañndewe ke aiikgalen webem mama keyañ sipakandak bunduñinok beme munduñ mambep.

⁹ Kawawañañ nin wa sek sindem ndamti ndawalalatgat ku ndaombemndeye. Egañ Amobotnañ Zisas Kilaisiyet pembenangapmti teziñ ñandañgalen selengatnan gilik zemti ndatitiyet ndaombemndeye.

¹⁰ Nâip, egañ nin ekmak mot mamayet nâmti ningat mti gakiye. Keyepmti nin ewe alik mambanup ma gakiwanup beme egañ kobeen nin nsakwep ilindiñ ndatime mopmâbanup.

11 Keyepmti in sepem mamip kegogak nâmkijpepenjan notnaŋaŋ notnaŋ gwatnaŋ mpem notnaŋaŋ notnaŋ gwatnaŋ mpem mti mukulem mukulem mti mambep.

12 Kilaismagen notnne, in damuŋine tuŋguwinan mamti mulup windenjanben mamip ekŋengat nâme mobotnaŋ beme zelin gawepumti ekŋengat kandaŋinan mtot mambep. Ekŋen keyaŋ mama mimi dolakŋaŋ zikat indamti zemusuwetindeme in ke mâti mimiyet nâmti Amobotnaŋaŋ ikŋaŋ ombemindeye.

13 Ekŋen keyaŋ ingat tuŋguwinan mulup mamip keyepmti in ekŋengat nâmindeme mobotnaŋ iga-gen penaŋ beme gogot mimindewep. Mti ilinaŋgat tuŋguwinan mamasiyaŋ weweyet eyo mulupmaŋ kaliŋaŋ mbep.

14 Kilaismagen notnne, nin in pigok penaŋ mimiyet diindosâpmnup. In am wisatoŋ ekŋen an keŋoo mimindewep ma am kiŋgapeŋ maip ekŋen zemgwatnaŋ mimindeme windenjinben tabep. Ma am sugak sugak maip ekŋen indamukulem mimindewep. Mti am sambe ekŋenmak sewaŋaŋ palen etaŋ mambep.

15 Nâip, in am ŋenaŋ myuŋgum indame in dopmaŋ sepem kegogak ku mimindawep. In ilinaŋgat tuŋguwinan mama mimi dolakŋaŋ etaŋ mti eyetnaŋ am notnaŋ ekŋenmak sepem kwep kegogak mmambep.

16 Kan kataŋ oloŋen palen mambep.

17 Mti tambu msa dundupeŋ mamambep.

18 In Kilais Zisasiyet zapat mamaip keyepmti in nukŋaŋ palen mamti Kawawaŋgat wisikŋ zepen

mimiyet nâmtikñaᅇ mam.

¹⁹ In Emetak Teñaᅇ ammagen mulupmaᅇ msâpᅇmme e ku mautukek pemambep.

²⁰ In amnaᅇ Kawawaᅇmagengatnaᅇ zet matimzep. Zet ke zemtalatpempti windenaᅇ ku mtot pewep.

²¹⁻²² In zet sambe nâmtimti weyaᅇ mendesim ekti pembedaᅇ weyaᅇ mimkitikpemptimati bekaᅇnaᅇ notnaᅇ bee time mepmâbe.

²³ Neᅇ Kawawaᅇ an keᅇ sewaktoᅇ egaᅇ in indapᅇmme kwetetepmaᅇ bembeyet nâmti egat mandunduyap. Egaᅇ in indadamuᅇ mme nâmamaᅇin ma keᅇin ma sekrᅇin esemteᅇ kakane-muᅇjak manepeme Amobotnaᅇnaᅇ Zisas Kilaisiyaᅇ kobe.

²⁴ Kawawaᅇnaᅇ am ikñaᅇngat nemunambaᅇane penaᅇ bempti mamayet zetik mimindeye keyet penaᅇnaᅇ elak in eyo ke sokbempti mamaip.

²⁵ In nin Kawawaᅇnaᅇ ndamukulem mimiyet nâmti kegogak dunduwep.

²⁶ Âpme nâgât weᅇnok in Kilaisiyelen dapmelange notnaᅇ maip ekᅇen ke notn mimindemti indamukum belin butemindewep.

²⁷ Âpme neᅇ Amobotnaᅇngat zikatnan pigok zemkatikbeyap. In zapat meluwaᅇ kumbema kozin kapi mti Kilaisiyelen dapmelange sambe ke maip ekᅇen makumindame nâme delaᅇ zewe.

²⁸ Amobotnaᅇnaᅇ Zisas Kilaisiyelen keᅇ taolelaᅇ inmak kwesiᅇ wemeti wembe.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7